

△ 20
3577
3



八20
3577
3

卷之三
三

纓雅堂駢體文卷六

山陰王詒壽眉叔著

皋園修禊序

歲在困敦粵上斯已都轉秦澹如先生乃約獻侶攜芳尊
修禊于會城之皋園地饒水石亦美雲木翡闌篆徑縹泓
鏡軒本觴詠之勝區有滄浪之舊館于是芳蕙一碧游絲
十丈春陰在水燕風散襟展花裯于綺除藏行廚于竹裏
軒蓋不襍琴觚閒陳招片紅以陪笑香生酒鱗嚶絲羽以
荅歌清若笙吹瑤情既暢玉山未頽言飛羽觴乃臨芳澗
荇帶量碧葉葉平春衫蘋波濯纓羅羅乎流水孰客孰主
或喁或于發襄古之幽情振凌虛之遠獻可謂標韻簪林

契沖物表者矣夫浮生電謝曦璘之驂不停世事雲浮滄
桑之境倏變況乎百年風日佳時幾何千里萍蓬良覲不
易故昔者蘭亭繭紙內史興陳迹之悲涼苑雲輶參軍有
上日之記莫不俛仰身世流連勝集發爲篇詠傳之後來
先生以爲古人往矣清躅可武乃以落花芝蓋楊柳春旂
流觴曲水茂林修竹分韻賦詩而屬詒壽弁以序雕瓊鏤
采無拘金谷之酒籌簧水笙山遂播芳園之韻事會者凡
十六人

復見心齋詩集序

歲在丙寅序屬首夏詒壽于役暨陽解裝邑署杭州孫翺
伯先生名山選勝謝公之屐方來高館張鐙陳蕃之闢初
下先生儒林丈人陳芳鴻彥良惠儷玉寶行比金篤詩禮
之傳趨鯉承訓綏德門之慶行馬早施故得棲養沖齋婆
娑風月松石寫其高致巖壑恣其清游閑雲自舒纖塵菴
望偁谿南之詞老爲地行之神仙松格旣瞻蘭味斯洽呼
之小友訂以忘年豸相與登紫闥之名咀訪翠峰之遺構
尋浣紗之古石弔苕蘿之荒祠松翠十里桐雪一尺烏楹
閒挈赤藤謝攜谿女笑指疑爲羽霄之侶山禽引吭荅此
鸞獻之聲討幽彌旬得句盈軸歸轄旋動臨別倦然于時

兵火始熄先生尙僑居甬東湛湛江水渺渺予懷不見之
恨寡以三秋加餐之書動輒一束無何詒壽就官冷曹屢
理西渡之楫先生亦返錢唐故居王粲造中郎之門倒屣
常驚乎一座陸贄入張鎰之室傾談或至于三日秋風桂
樹則蹋臂尋幽微雪花則並展覓句招孤山之老鶴策
段橋之蹇驢無閒追隨以永晨夕嘗出其復見心齋詩全
稟相示靈叟獸解天機自然濯瑤蕤于秋泓激涼吹于空
碧而先生唾可成珠懷偏似竹以炫服之俗嗜居美理而
勿珍豢陳賤子之芻言用發主人之玫笑夫蛇珠謝銀黃
之飾奇光自呈螭鏡揚澄冰之輝纖滓何綴故尙素者不
貴乎組綺崇樸者不藉乎琢雕今之襲金彩于土偶澤膏

翻于東家爲麟之援爲驪之爪言乎騷雅翩其反矣先生
獸能彈其古調抒此性靈良璧無瑕澹詞彌雋雖儲篇沮
溺莫悅眯盼而白章姬解何害大家哉文字之契丹雞可
盟官檄相催青駒在戶疊商致感方吟杜陵之詩龍蛇在
歲偏兆鄭公之厄蓋自詒壽驅長山之車先生已示維摩
之疾矣悲夫元雲起而金芒掩秋艸碧而玉樹埋重來門
巷傷心馬箠之搥回首笑言無復鹿牀之共重泉永隔十
載于茲屬者嗣公子授學士子搢學博以詒壽素見知于
先生善其遺艸諉之訂編自惟禱昧何敢定先生之詩顧
念往日者嘗與先生登臨江之樓展夕陽之眺感雲煙之
變幻傷陵谷之遷移浩然願詒壽而歎曰人生百年有同

駟卻浮世一霎當雷豹皮吾夙嗜在詩雅不欲求合于世
目又不自選擇全稟具在它日定吾之集子之責矣是則
訂敬禮之遺文抑亦踐橋公之夙約也詒壽又何敢辭因
爲刪訂成六卷而敘生平之雅如此縞鶴不返老成猶見
其典型黃金可銷詩卷長留于天地

漚花小錄序

自昔錦屨點落花之響臺畔雷香玉簫傳秋拍之聲竹西
騰吹千家暮雨不卷珠簾十里春風長嘶金絡讀子夜鐙
前之曲諷楚畹掌上之書但是嬌花多栽吳苑由來明月
大好揚州旣而軍鼓聲高霓裳羽散兔絲安附儂爲海上
之萍燕子移巢春滿浦西之柳花穿雙曲都種枇杷鏡落
千鬟時驚翡翠鈿笛共雕琴競奏麝霏借蘭雨齊飄綠房
窈窕七二文苑紫珀迷離一雙青鳥于是松陰立馬逢西
陵之碧車花下雷歡解漢皋之玉佩絳蠟露華之照金槽
根根朱璫綃霧之垂香囊叩叩真可謂金粉江山綺羅窟
宅者矣乃有玉句詞客畫楫俊游披王曇首之紅衫聯杜

樊川之白袷閑情拾翠迎桃根姊妹之花刻意尋芳極環
燕瘦肥之態春鐙勸酒點紺暈而衣香碧玉低鬟壓翠鈿
而帽側雖我輩鍾情不及于亂而其人傾國領略爲多豈
乃細較羣芳閑裁側理評以錦字詠以珠篇鏤管金銀略
擬湘東之品玉樓釵黛已空冀北之羣錄之作也僕有感
焉夫絲痕偶聚瑤宮無不散之雲薜華從風香海少長生
之種昔之臬橋豔品洛下俊姝成都校書楚江錄事假不
經才子之品題豈流之標詠則柔荑不固早化秋煙墮絮
無聲誰傳小字嗟乎嗟乎其與士之附青雲于一時隨流
塵于身後者何以異邪故江東疏放厥有北里之編遷客
老顛斯作江花之藻雖曰游戲非無寄矣楮墨所流今昔


胡異豕使鳳窠羣女有同翠玉之鐫鸞海名葩永播紅絃
之韻

藏書自記

僕夙抱章述耽書之癖頗爲常景古帙之求芸苑珍編綈
叢瓊葉例以充倉之富雖見誚于兔園用作饋貧之糧亦
足資其懶祭無何狐鳴構甌狼頭肆燄單舸出走窮海轉
徙度諸室者旣百椽之竝燼挈以行者詎兼兩之得載加
以桂玉多艱萍蓬無定愧謝僑之守充倉竟用班書質虞
和之廬覆雨兼無素被數年之間雲飛葉散什一僅存矣
腥蠖旋埽飛鳥得依結習未忘見獵輒喜付長生之庫尚
賸絮袍減陽城之簷已非榆葉艱難所得篋衍漸盈又比
以應辟校經頗勤攷訂治官多隙從事私書往往丹烏窺
牖卽研黃露之珠銀蟾入簾未輟縹花之管素王之所訂

青簡之所編稷下龍雕之文冢中蠹竹之字不無證信多有刊訛緘花藤而鱗排護細帙而麝襲雖謝萬雉之坐擁幸葆一鳴之見譏顧而樂之輒成獨笑或有憐其嗜之竺而嗤其藏之少者蒙則有說聃用解嘲夫羅岷漢以爲府不若蒼璧小璣之在握也集金毳以疊笥不若尺縞幅絺之日御也世有競積玉于縣圃夸連雲于芬林萬卷名樓五車著富猶復揆壺中之祕籍訪石室之異文奇光接軫欲傾江左之藏瓊寶充箱有類重醴之掌然而頻年函錦滿室棲香嬾龍夜守偏矜福地之居羽蠹晨飛任飽神仙之字徒慕博收之名曾無留目之賞是爲觀美蒙無取焉亦有胄承通德家有賜書傳祕閣之副本碧鏤牙籤挹天

祿之餘輝青遺藜照藉錦帙金箱玉版之珍森森寶書東序西園之美而乃車難合轍學早分途夸繡綫之新樣別有金科斥古籍作旁門東之塵閣是猶龍幹儲度取材于枉撓羊珠絜槃耽翫乎沙礫孤此琳琅蒙傷之矣嗟乎笙匏之器星羅龔壤祇安其寂藻翟之章雲襲矇容不知其華徒矜曰多又將奚爲哉且夫得之艱者視之彌珍業之素者愛勿能輟蒙以刃底之魂獲此劫餘之賞謝銀車之污墨足比大園良書發瑤鑰之古青何異永嘉舊本厥藏雖少爲幸已多球璧寶之不亦宜乎五千卷撐腸文字頗笑崔儵之拒人三萬卷脫手丹黃敢羨鄴侯之插架



與友人書

一昨二三知己小飲江樓爭席有鷗蒸壺如鼻解襟促坐
銜杯劇談家乃感世路之多艱悵孤蹤之安託酒薄不醉
卿言始愁而足下歎軒眉鼓氣謂士不得志退求一職亦
可自奮于功名之途卽不然而游謁可致五侯之鯖幕府
可索千金之聘天空任飛吾何慮焉僕當時墨然意倦不
復置喙夕而思之足下坐臥閨闈雄長婢僕足不出里閭
寢不涉都會其不識世路之難誠無足怪也僕則橐筆半
生知之熟矣知而不言足下將終無由悟則請卽昨所言
之三者而述之夫相如逸才入資乃登郎署崔烈名士進
錢以拜司徒階身之污古所不免自視冠軒爲利途豈以

續雅堂詩集卷六
九
金賚博孤注黃綬長吏碧衫枝官和嶠之籠朝探毛義之
檄夕下媚狐兩腳神龜萬鑽槐柳齊行尖錐競巧彼方謂
筵前舞袖非無長信之猴坐上金籠不少大卿之鴿朝賢
尙爾我輩何傷乃視摯詔爲本然置恥辱于不問其術之
售者或且得恣其威福望若神仙而二三骨鯁之士轉乃
落莫無徒是非衡鑒者之不明黜陟者之鮮當良以孕蘭
一萼蔽髮蔓而不芳積沙百斛藏寸璧而莫見吾與子側
足其閒固將羣唾之爲不祥力排之使失所鳳皇萬仞安
知匹雛孔鸞失勢不及纖翮此仕宦之事爲今之所難也
吹笙楚國墨子不損其賢懷刺洛下禰生不抑其氣踵門
投謁自昔而然服紉蘭之奇服冠切雲之高冠上書荊州

之門長揖李膺之坐艸賦朱閣節帥傾心陳詩鐵門先達
倒屣長安如燕之客終致青雲車前雕龍之書乃騰隆望
天下大矣詎無知音文章有神亦堪吐氣乃者曳裾下客
伺門陋儒立馬廐而不慙望車塵而卽拜殘羹冷炙甘之
如飴金錯素練勾之無節獻錦牋之七字但解揄揚承華
屋之一言如膺詔命自處旣鄰于厮下視者亦比之賤傭
居元龍百尺之樓設下牀以待客享季子五鼎之奉進脫
粟以餐賓浸成貴倨之風家短名流之氣昔者趙壹窮鳥
傲郡守以尺書元度素箠破軍門而索刺行之今日叱逐
隨之此干人之事又今之所難也孔侯嘉遯終應安東之
招樊川清狂乃管奇章之記士有抱靈芬圃垂翅蓬池幕

府之依亦固其所然而重之以弓旌遇之以國士昔有其事今無其人以彼穹階高據繡袞儼然或署牘尾之名但知金屋或判祠曹之牒不解龍星以文士爲可輕以詞翰爲末務但看麝墨光滿絳霞之牋安識龍章出自雲梭之軸作黃江夏腹中之語何論鸚母高才得溫子昇海內之英乃屈馬坊賤客是何怪乎翩翩俊彥矯矯清才甘臥窮谷之中恥作侯門之客故雖有名卿秉節思播宏風或且因鵲鶴之不逢亦羔雁之禮絕此依人之事又今之所難也嗟乎滿目江山何處平原之飲半生肝膽惟傾燕市之徒白日輪馳金門天遠餓麟不噬窮媛安投我方深其隱憂子乃恃以無恐是何異涉一尺之波而忘八節之險守

十步之室而味九折之危者乎足下休矣其幸毋以吾言爲過情而以康莊視荆棘也惟覽不宣

蘭谿訓導陳君誄

惟光緒丁丑四月十有二日蘭谿訓導陳君病卒于官舍
年僅五十有四秋霜未零鼂赧先掩嗚呼哀哉君諱煥字
子炳號芷濱甯波鄞縣人也丹胄承華縹芬紹秀幼有奇
童之譽長偁家術之良門庭美其溫溫圭璧貞以翠翟墨
舌媚學鏤肝吐辭旣推俊于一螢旋列名于千佛豫章之
秀續之冠乎同門孝廉之船張憑偁爲理窟覽關百氏識
鏡古初學無不窺舉業尤擅唾棄蕪豔壹軌乎清真纒橐
眾言衷要于理矩志挽靡習開門授徒益其時科舉之學
風氣日下以房行爲玉律束載籍于積塵篠駮虬戶競詡
新裁折楊皇芩用悅里耳赤霄襲孔毛之翠碧盧竊奇璜

之光教學相承汨沒莫返君乃示以正則指其迷途疏瀹
性靈醞釀經術法鍼砭俗神手點金得其一言勝會千雞
之跖不拒來學詎脫雙鳳之衣家令安邱采玉之賢咸趨
孫氏庵中操觚之士競誦張文蓋著錄者一時僂盛焉縣
布再登折翅不上援例以教職謁選得蘭谿縣學訓導蘭
谿者閩越之通津商賈所襍襲也袷服塞市袂帷汗雨之
場女閩列居跼躑彈絃之會士之生其地者或染于俗習
不禁冶游然而蒞水流馨之地仁山講學之鄉本清淑之
所鍾實秀翹之所聚君至則宏施教澤峻立齋條勤白璧
之刮磨戒青衿之佻達剛日柔日分以經史之程金管銀
管規爲人文之品先生有道弟子多才貞志者益懋其修

贅行者亦化其質訓蘭谿前後凡十餘年論者謂有蘇湖
之風莠性旣綱直雅竺知交有青雲之氣誼具黃金之肝
膽銅盤推倉束修之羊常捐歧路脫驂博士之驢可賣若
乃定傾蓋之分風雨無輟其音竭規過之誠切磋不嫌其
峻此尤友誼所足重者歲在丁卯君奉檄攝金華教諭詒
壽亦來權司訓與君槃菹同餐室蘭互契旣共襟期之寫
冢訂昆弟之交相得之歡有逾恆等明年詒壽調浦江君
亦回蘭谿任隔途不遙命駕卽達一歲之中展覲再三及
庚午詒壽秋試再落應撫軍楊大中丞之辟校經會垣良
會冢阻桃花潭水千尺寫其相思落葉蒼江五度見夫秋
色至乙亥秋君始以謁學使者至會垣見訪于書局綵雲

蘇軾集卷六
三
算合正懷美人清風曉來乃覲之子握手道故喜可知矣
乃與展吳山之展放明湖之船流連未旬珍重而別自是
相違者又兩年渭北春深正寄杜陵之句山陽寢惡竟兆
元伯之亾嗚乎哀哉一面之後君豕不可復見矣君素懷
靜退澹于榮祿居恆下帷課其三子琴畫一闢花石半庭
詩心蜨催書聲鶴聽姬人解事親烹石銚之泉門生能來
亦翦夜雨之韭名教樂地仕隱高風剖符分竹非所願也
猶憶江城夜永抵足寓樓君爲我言白髮相催赤轂不待
哀樂之感過謝太傅之中年婚嫁之期迫向子平之多累
倘略酬夫身事亦何戀乎微官六十之年必當解組言歸
耕下溟之薄田守先人之敝廬此吾之志也嗚乎區區之

願何殊乎涓流濛濛上穹乃靳此寸澤虞淵景促偏先張
翰之帆華表魂歸虛說令威之鶴以是言悲慙焉何極詒
壽嘅知己之云亾傷幽途之長閱素車白馬終慙友之
情斗酒隻雞永憶生平之語比反眞于桑戶合賦耆來學
作誄之安仁自憐絲鬢敢託豪素用招旒旒辭曰

蕙波泖滌梨峰嶽寄璇源育穎瑤林擢藝猗與陳君學爲
人師金璧其質麟鸞其姿綺歲吟梅觴辰辨稻及乎弱冠
矜節自葆履潔翬素珍寂躋道孝友溫恭鄉閭之表竺志
誦習輒忘渴飢晨禽窺案夕螢坐衣琅函嶠列芸檢香圍
吸華吐柏扶精析微發而爲文珠連玉錯蘭藩一滴花雨
四落騰藻攄龍引響吭鶴清奇淡濃莫非合作振秀暘谷

吐豔金墀惟君之才承明是資奧潔不升天風倒吹春官
三度夏課莫辭爰就閑秩爰長子衿梅花署冷蘭葉谿深
穠寒一片牆高十尋珍規範土木舌宣音君昔講學始于
枌里斥彼俳僞衷于義理芬林寶車蕝海現砥分其片羽
莫不雀起粹然儒者卓哉先生在山出山異泉同清祥鱸
何慕元雁何爭有教無類惟德之成昔我與君長山之隅
一鐸共假竝室而居是則是效亦步亦趨壘篋訂契金石
不渝幽館松聲青山燭景紅爐煮酒碧甌品茗吟涼雨墜
談高花醒殊軀同情形迹屏仙華嶢嶢石蓮瓏瓏始分
勞燕未阻雲龍驢磨之迹馬首又東君棲學舍我作書傭
我所居兮吳山之麓百尺高樓千里極目天長雁飛江空

雲逐不見之子勞我心曲嗚乎陳君曷不少留十年闊別
一度來游豈期此後卽感千秋魂驚旅寢淚落江流君竺
于交誼高秋字諾比千金財輕一羽君澹于祿優游文圃
自甘韭槃不羨華精天不慙遺歸願莫償峨松折翠金刀
沈鋌幸有鳳毛濟濟成行善人有後克繼青箱嗚乎哀哉
惟我與君天涯一別幽顯永分心馳素旄念結清芬志哀
表德敢謝不文

蘇雲集序

碧雲千里蒼江渺然盼之子其未來寄秋心于何處況乃
關山月落曾颺阻寤候館雨涼單燭誰語意所欲白安已
于詞玉璫一緘桃水千尺鱗羽可達鄭重將之夫豪素所
託致兼情文亦有應求之士發不由中縟采綵賤浮藻盈
牘真之不存文奚取焉彥清孝廉驚精典籍探奇恆岱鼓
檝文章之海掉鞅雅騷之林方且馳逐作者睥睨絕業筆
札小道宜非綴懷然觀其澹詞彌雋少許勝人洪纖皆宜
飢餓盡致婉而善感移我情矣是知孕珠之澤零璣亦吐
其輝積琨之圃寸璧靡掩其寶蘇雲一編豈襞績淺才所
得抗手者哉僕最愛書來每愁雲阻得加餐之一紙藏囊

袖以三年它日者渭北思君江東念我琅玕誰贈難消平
子之愁珠玉可親益盼子雲之札

報陶子珍書

子珍足下昨承手教載誦載忻若接風采計偕之役首途
不遠蕤名金帖揚聲鳳飛固知巨碩非藉增重然而明廬
視艸制作須才中祕讀書管人所貴致身青雲良宜努力
僕與子不相見久矣江雲依依每用翹結琅函珍重倍思
故人梅花掩關孤旅寡緒聊憑黃耳略貢素衷僕早服章
縫耽翫緹素往以護帷之縵盼思苔荻畫之苦心跛鼈不
前枯螢自笑自慈親見背百念灰冷雖復勉隨立鵠之班
強作曼蛾之畫得之與失已不絀襄若夫破葩苑之瓊響
揚荃流之蕤橈探寐驪之元珠挾怒鱷之碧髓頡頏古管
馳逐作者成一家之言爲風氣之導雖曄星微熠妄擬金

樞之光搶鷄弱翮終遠錦苞之采私衷所結實有大願是以雪屋連曙一尺之檠尙明霜豪欲腐百鍊之思未已劇肝鉢肺所不遑惜至于攷訂遺文規詠奧義不揣薄陋近亦問途然僕以爲樸學者儒林之宏詣文章者立言之盛業華實區軌精蘊竝存故雖慕匡衡折鹿之風亦不爲子雲雕蟲之悔耳足下茂年石學掉鞅詞壇孝穆本天上石麟陳思是人間繡虎猶復兼綜六義通覽百氏參義爰之渺理疏鴻烈之祕文踵秀水之芳躅爲東南之瓌寶思欲共席研湖晨夕奇胃互探靈悟相發庶幾織錦之機睹鮫組而生巧神鐵之用資螭火而成冶而乃勞燕各天良覲屢阻浮雲無力難逐東野之龍遠書可將惟盼北來之雁

所期明年之秋假歸梓里道出武林停君畫艦就我江館相與敏蘊曾之疑義賞緘篋之奇文然後招酒徒約詞客張陰生之旂鼓談樂令之名理作十日之蟬聯亦聊以抒兩情之結轆耳一言作券勉誌勿忘川途方長諸惟自愛

杭州重建揚清祠碑

揚清祠者明按察僉事王公琦刑部郎中項公麒之合祠也夫棧驚同戀者難與言峻亮之風會鯖無忤者不足論介潔之守若乃皇衢蕤績播淑于寶行考槃寤歌矢貞于潛曜甘冰檠而無悶與義璘以爭光如二公者其無媿粉閭之表荃壇之奉乎二公皆浙之杭州人王公以永樂末年由學正擢居諫垣繡衣執法鮑宣驅御史之驄鐵冠立朝安世是殿上之虎旋厯外臺葡兵政拜章薦士風動金馬之門秉憲亭疑春生青豸之戶散南山之羣盜人盼朱旂明一路之福星惠流蒼庶敷厯中外二十餘年良吏諍臣兩無所忤項公出稍晚素魄含彩本是少微之星白雲

主司乃應郎官之宿李比部正身守白韓員外斷獄據經
當英宗復辟之日天順改元之初李賢以時望秉鈞王翱
以矯情沽譽結主恩于魚水冠天寵于棘槐黃閣位尊烏
臺聲噤炙手可熱噓氣爲雲而公獨能效李善孤鳳之鳴
爲朱雲斬馬之請直節震百僚義問動四海卓然獨立負
乎莫儔矣且夫能行志者願不存于溫飽有勅操者行必
矢乎潔廉故二公之仕也矜石同持不受寸珍之餽冰壺
冷抱兼辭升酒之遺及乎脫屣纓纒歸臥故山下冥無田
衡門有水竝能濯荆璧之縞質絕秋塵之纖污采藥山頭
并謝朝廷之賜牽船岸上都無風雨之廬揆從蓋篋雙環
亦付清流庇以茅茨一廛尙資故友采薇吟而山鬼荅脫

粟罄而孺子噉餓麟不噬詎仰乎落毛涸鱗待枯菘泣于
窮轍乃至沒身而不渝枕馘而無悔嗚乎可謂清矣論者
謂明白天順成化以來藍猶狂寇險砦漸平青鵲奇珍重
譯方謹海氛未起浙水無波生非金革之朝何取夷齊之
節又謂魯公嚴操尙修乞米之書陶令高風亦作破門之
請二公苟小夷厓岸通好里閭不絕魚饋之歡勉分雁稻
之惠聊資晚歲何損貞修終殉蟬飲之身未免鴻毛之感
凡斯枝說悉屬外篇答者令公致韭槃之譎太常甘柏谷
之餽謝方明窮塗待槁無改履貞弟五韻旬日斷炊終辭
禮餉良以浮奢之俗罔知珪璧之修懷一介以飭躬冀羣
頑之知感以彼方此異代同情且意其時士大夫必有積

珍賂競錯刀鴻都通值娑娑趨府之風禽獻望塵刺促拜
勢之習鶴性本潔詎烏合之可羣鸞飢雖叱非桐實而安
會先哲有言渴不飲盜泉其斯之謂乎二公所居同在會
城昇平巷唐僕射褚公遂良之故里也明正德時御史唐
公鳳儀按浙建坊表之曰忠清豕附桌主于僕射祠至嘉
靖時學使者孔公光奏立專祠始拓凝真之舊觀題揚清
之嘉名

聖清統序軫念先賢丹腹重新禮祀勿替寒泉菊盞非配
會于水仙古屋椒堂用棲神于秋社益自康熙初年重修
以來迄今又二百餘年矣粵寇扇虐吳越淪胥戎燹之餘
輪奐俱燼夫聞風而起者百代所同有廢必舉者有司之

責幸糜氛之早滌宐靈宇之重興仁和令姚君光宇于是

請于大府卽其故址庇凌雲之木鳩修月之工經始于同
治某年某月歲事於某年某月梅花山閣有殊處士之祠
松柏虛堂仍近河南之庶庶幾颯桂旂而來下長聆箏瑟
于神絃鸞蘭棟以騰輝永挹湖山之秀色旣落成豕爲之
記于麗牲之石而系以辭曰

空山荒荒秋冥冥公管作歌金石聲渴掬澗水飢藜羹後
先相踵朝太清星官羽衣來相迎祠堂禿樹劫火青芝檜
重締飛雕豐靈巫擲筭吉日貞笙竽嘈嘈陳屍牲靈之來
兮雲英英千歲萬歲亨此馨

生春詩錄序

續雅堂駢體文卷七

續雅堂駢體文卷七


山陰王詒壽眉叔著

桐屋遺詩序

悲夫靈鶴無言永斲歸來之羽春蠶已死猶畱吐後之絲
念儔好于生平感風流之頓盡此何克所以惜玉樹而傷
襄廬陵所以撫遺編而隕涕者也小鳳沈君擢穎丹泉振
翹瓊岳粹掌竺學鏤心吐詞張郎長鬣天遣裁詩王孫通
眉早工造語僕以葶末有契苔岑文字之歡過從彌閒無
何粵寇難作僕依張刺史仁圃避地松谿之濱君亦假館
其家破帽相逢布衾可共紅鐙說劍黑月聽雞幾而丁君
仲泉王君鹿亭姚君雲伯茲來相依不圖風鶴之閒得此

雲龍之合或唱或和長吟短吟孤憤所寄奇采互發君騁其逸足所得尤多仲宣傷亂之詠著之以哀杜陵感時之篇濺之以淚和悲聲于鼓角吐壯思于風雲今集中所載松谿諸篇是也越數年君以優行貢成均旋領鄉薦僕亦出竊微祿南船北馬蹉跌莫面而鱗素所達雕章益工且夫抗古之業名山之資也潤今之藻天衢之華也君既掉騷林之鞅兼擅制科之文當夫磨甃電掬芬途霧闢當事者招俊髦于廣夏開文社于明湖君振袂登堂抽豪戰藪鷗絲眾奏綺桐之音彌高蛤珠錯輝結璘之采莫掩重席屢奪赤幟歎標辭懈農觀察馬穀山制軍皆亟偁之以爲魁墨勵值承明丹梯之登左券可執何圖神山將近天風

引還頻年琴劍空隨計吏之車一臥滄江仍理洛生之詠虞淵未迫巫陽已來茫茫大園吁其酷矣屬者丁雪塘明經訂其遺詩謀付剞劂僕感風義之猶存傷故人之永逝聊爲小引以當大招抑又念之君雖往矣尙得存此瑤編傳之藝苑而丁王諸君露薜早摧墓木將拱或秋煙等散都無敬禮之遺文或零璣僅存比之吉光之片羽以君方之其亦可自憫于重泉者矣



報李恣伯書

恣伯道兄足下久不通音問積思成疾春閒孫子空齋尹
來得手書風誦三四如親語笑伏承東方爲郎索米不飽
李邕作碑輦金可致聚書萬卷時花一廬佳想安善箸述
鴻富甚休甚休足下高才碩學鳳鳴
神都四方名勝傾蓋金臺莫不聞聲輸心破廬結好頗聞
談讌時啟琴觚斯友朋之樂尤人生所難翹望健羨何能
已已詒壽無狀久處書局伏蠹不出冷螢欲枯往者書劍
初安良朋羣聚戴園一樓之上與譚仲儀王松谿施均父
陳藍洲張子虞潘儀父諸君坐則聯席寢則對牀朱墨之
暇相與張陰生之旂鼓奮君卿之脣舌聯吟石鼎之句高

歌寶劍之篇自謂此樂足忘羈旅不圖數年之中或發迹
青雲或抗塵黃綬或橐管莫府或仗劍戎行時會驅迫渙
椒殆盡顧景落落悵然寡歡會城人海風尚百變跳蕩織
子輕薄少年競妖服以爲奇飾畫紫以相炫離騷未讀已
名士之咸稱詭癡成符乃清華之自許彼固聞道而大笑
我亦敬避之不皇時或理檝言歸里門小住吟社諸子亦
如星棹而生平服膺若足下者又復一別將十年遠隔三
千里猶憶臥龍山麓錦鱗橋西與子九文孺諸君夕陽打
漿訪君寓廬出新詩于衷中酌松醪于琴畔吟高花落談
深燭寒往往流連夜分踟月相送念此情事有同昨日曜
靈急轡感成曩今卜鄰之約復復何時能遂詒壽今年四

十又九矣出則託命乎枯管居則抱景乎青甕夙願全非
清寒自守惟此友朋之樂爲生平所偏嗜亦若有妒之者
使之杳不可得將復爲之柰何哉年來家况之窘幾于錐
地俱無兒子緯歲將近壯尙未能青一衿所忝安貧志潔
能守素風擁淵明之絮我本無慙爲孺仲之兒彼亦何忝
長女綺早適胡氏女婿梅臣食餼于庠頗具俊才科名躋
蹀乃成冰玉綺女向嘗以詩執業于足下足下曾以三絕
句題其藁所謂玉臺詩格傳嬌女解道花隨燕過牆及桃
花燕子年年事長記題詩玉帶橋者至今錦瑟嬌兒角了
小女皆伊嚶作歌曲唱也足下聞之亦爲之一解頤否今
冬尙須遣嫁次女行有日矣蕭然無辦張赤手擎空拳正


不知計將安出耳即日溽暑初退新涼漸來北地早寒順
時珍攝

書王仲瞿煙霞萬古樓文集後

大聲震咸陽之鐸岷岳之玉石亂飛怒鱗蹴錢唐之波鯨
蜃之青紅沓起決雲衝霄之翮非羽繳所能躡泛駕逸塵
之馬非羈勒所得制騰車挾霆卉木當其衝者皆灰洪根
裂石螻螿穴其中而不知斯惟具羅星握斗之才有走電
飛虹之氣奇胃所發異境乃開若吾宗仲瞿先生駢儷之
文蓋近之矣先生生有逸才幼好奇服索酒紫雲之坐浩
歌紅衫之騎談禪釵館調笙經牀故老所傳跌宕可想讀
五千卷崔儵之書上十萬言劉蕢之策久不得志退而著
述石函祕錄棗簡古葩箏堂秋拍梵林妙華咸有闡發其
書滿家今皆不可得見其可見者猷錢梅谿所香煙霞萬

古樓駢文六卷而已當其酒酣耳熱感今裛簪金壺一瀉
縹雲萬疊珠玉咳唾風雨呵叱混混乎袞袞乎不自辨其
爲瑜爲瑕爲朱爲碧也其靈澤祠碑董賢廟碑哀江南蕭
后論諸篇恣其瀾翻成此雲譎誠令腐生掩耳斥爲趾離
之窺詞小儒橋舌詫爲海藏之怪牒然而以韓非之孤憤
爲莊叟之寓言其文愈奇其心則悲矣余少時有手鈔本
恆喜讀之竊謂其言麗而失純其體詭而越軌然鼓其一
發不可遏之盛氣以行其一決不暇擇之浩博所謂麗且
詭者若鉛之鍊而金批之融而糜直與之俱化也混沌無
睂天地皆紫好之者病學之者灰蓋自有茲體以來未有
奇橫恣肆若是者也此荆門有新刊本陳藍洲大令購以

寄余重讀一過因泚筆識之而重有感焉吾聞先生邃于
史學好言經濟明治法諳掌故使得列身丹序振徽紫微
豈不能宏措施議禮樂頡頏董晁之林揖讓夔龍之列況
乃學兼兵家善有手臂猿公之伎騰蹕若神虎鈐之經變
化在我熊渠歟虎早擅飲羽之能景宗逐麇能馳如龍之
馬鼓鼙忽動師旅寄之建蜚弧張雕弓出蜚狐踰白龍亦
何豕不能血尸逐膊溫禺厲李將軍無雙之才氣博班定
遠萬里之侯封而乃文不能絳名于朝籍武不得韃績于
邊庭跣弛放宕以終其生歟藉此一寸錦心之血傳千秋
畸士之名不亦可慨也哉



李黼堂中丞三山歸權圖序

夫輪鞅皇途者阻賞于巖壑羈組縫掖者局迹于衡閭然則償縱游之願其亦由福慧之鍾乎長沙李黼堂先生珠水神光瓊嶽秀氣青年建節黑頭抽簪采藥雲深尋煙林迥持仙人九節之杖屐腳未衰志名山五岳之游襟期自遠言探勝迹豕作浙游浙固多佳山水而奇麗幽特爲東南冠者有三山焉秀出東溟峭凌南嶠赧光純赤靈氣之所鬱盤桃花古春仙真之所棲息則台之天台山也茗亭插玉窈窕浮煙深洞鳴濤蒼諸天之鐘鼓法雲出岫朝大海之魚龍則甬之普陀山也若乃砒厓雷吼景落銀河之波迴峰翠寒秋淨玉池之冰雪練萬古雲磴百盤有雁宕

之靈奇實甌江之形勝是三山者洵乎冠羣峰而歎絕爲
游客所樂談擬以神山亦圓嶠蓬壺之列矣先生既飛湘
水之帆騰明湖之櫂舉首天外揚舲海東采芝之侶相攜
夫二三踏雲之躋往來乎千里于是屏車騎挈尊榼履峯
峩穿窳窳濯足石梁之流振衣夫容之頂狎頻伽之翠羽
翫靈湫之玉龍皆擘窠大書磨厓紀勝鬱羆虎之偉狀壯
登陟之大觀先生游三山皆厓厓題天台曰天下第一
峰厓曰天下第一瀑普陀曰海上仙山
月且定一字之評又評天台以雄勝普陀以幽勝厓
岩以奇勝識者謂非親歷不能道煙蘿
得人外之趣幽賞既徧奇句滿囊乃揖洪厓別浮邱泛錫
首樂長風而歸蓋自辛未徂壬申而三山之游始畢也爰
託縑素傳之丹青集芬苑之雕章增海天之佳話詒壽竊

惟先生湖海豪氣軍國鉅才抽颿急流蠟屐名岵登高岡
而極目窮遐覽之浩渺寰宇無塵煙水一碧迴思當日者
際中原之多事屹江表之長城開府視師揚旌仗鉞雷鼓
四動羽檄交馳入耳皆譁卸之聲觸目盡戈鋌之氣當必
快澄清之再見慨人事之易遷而東望滄溟之中鴻波浩
蕩鱸飈鼓腥番舶上下諸島隱見得無有興博望棄槎之
懷動楊僕樓船之志者乎竊又聞之風雲之變吐納之機
也江山之美文章之助也在管龍門放迹探崆峒禹穴之
奇麟經繼言發金匱石室之祕比者先生亦有徵獻錄之
著固知靈源所會雄才益拓標史家之別幟爲一代之鉅
觀千秋之業古今輝映不更盛與承命爲文辭勿能獲載


欽宏抱勉綴儻篇尋李謫仙夢游之境我不免青山見謝
想謝太傅邱壑之情公須念蒼生久待

報孫子九書

退窳足下書來詢近狀殷殷厚意雜誦生感壽與足下別
又三年矣前者虎林見訪良愜鄙衷乃以病軀不能與足
下踏吳山之白雲尋西冷之晚桂爲歉然耳自爾以後病
日加劇偃息衾席豕至歲闌壽植幹雖矐得氣非薄猶憶
結社東皋聯吟宵館開壁壘張旂鼓往往雄雞三號鏖戰
未已諸君多意倦乞休而壽方抽思騁豪賈其餘勇又或
探梅前邨尋碑野寺三里五里朝行夕行輒同黃犢之健
無藉蹇驢之俗斯皆足下所與其者曾無幾時衰弊日增
偶致深沈之思則心同旌搖小展流連之步則氣甚牛喘
良由數年以來積疾莫瘳兒女之事煎迫日亟愁能銷骨

病易成翁潘鬢告秋江花欲墜如何如何今秋一利幾歿
鬼伯見舍復存人間上冬之月孱體未復又遣嫁次女壽
既無淵明下溟之田誰應陳湯鄉里之句雖賒田孃之布
惟製青裘織女兒之箱但須黃竹而蒼玉小璣之飾詎能
盡捐漢書木屐之風難行今日加以賣隱之之犬廚帳誰
供牽敬引之羊禮不可廢一事之集一物之細動須阿堵
輒復周章今雖竣事而一甕長物都付長生百衲古琴亦
售賤值力已瘁矣困亦甚矣歲聿云暮北風振厲永漏無
寐憂何能已忽復念里鄰之中戚舊之內往往素髮垂領
黃口始嘯五嶽空襄百年易邁而壽才近伯玉知非之年
已數向子生平之願則又自用解嘲翻然而喜凡此裹抱

惟可獸喻苟非相知之深如足下亦豈足舉府屬以相告
邪楮墨之事日益荒落友朋良覲渺若雲天即日尚須西
渡謀卒歲資心緒煩劣艸艸佈臆不盡欲言



陝甘總督相國左公七十壽頌

皇帝御宇之五年龍堆拓地鯤海從風九塞無塵八埏洽
慶于是陝甘總督東閣大學士左公春秋六十八矣聞之
有經天緯地之略必有難老之厚植以濟之當

提釐龔慶之朝必有曼齡之碩德以輔之在管龍紀分官
雲師命氏鳥明爲建福之主天老握乾籙之符篚乎遐哉
莫得而向矣若乃白旄奏績昆吾銘尙父之勳黃髮調元
靈壽錫師臣之杖羅侍中歲躋耄耄管庶事三十六曹郭
令公身繫安危歷中書二十四考江東宰相蛇鶴徵其長
年潞國精神龍馬同其天賦咸皆騰綸扉之美譽播紫殿
之淑風翼翼贊麟舄乎百世公東垣上宿中湘偉人才

兼九能學包百氏經綸握于掌內甲兵藏之胷中起家孝廉之科高議征南之幕屬粵寇滔天妖氛匝地兵連吳楚旤結東南公以成鄉辦賊之才爲留侯偕箸之策銀刀練士熊羆成山岳之軍神筆運籌蛇鳥變風雲之色揚旂乎鄂渚振旅乎衡陽露布上其勳勞

輔坐識其姓氏乃受

文宗顯皇帝特達之知擢自幕官升之顯列冰銜屢換玉節旋

頒不二年家拜巡撫浙江督辦軍務之

命益咸豐十一年十二月也未旣擢督浙閩仍兼巡撫時則雲霾鳳嶺火炤鼉江百城哀角鮮老羆白棒之當千里

雕旂甚飛燕黑山之眾公馳驅許

國慷慨誓師審形勢于山川建大將之旂鼓分命將領激揚武怒羅平妖鳥先驅東浙之氛天目飛龍進占西吳之利祕策運而神鬼會長鞭指而士馬騰如雷如霆大鞞大膊全浙旣靖鼓行而前殲南都之竄孽五領飛旌截東走之殘氛三江飲馬惟茲狂寇恣披猖彪張十餘年蛇食萬餘里一旦風卷電掣霧滅煙銷管者晉公仗鉞淮西之功首歸光弼行軍中興之臣弟一方之今日何多讓焉旣而
朝廷以西陲不靖移公督陝甘虎牙高建馬首初臨先率諸軍會勦逆稔事平家

觀京師

鳳城按轡選

上殿之龍媒象簡朝

天對

玉階之仙仗

溫綸稠疊

寵禮有加焉且夫荒僻之不勞遐征者窮漠以豢鳥獸也
巨慝之必彰

天討者平世不容猖獗也逆回犬羊餘孽狐鼠爲羣窟營
蔥嶺本爲釜底之魂醜結花門屢扇旄頭之燄
國家軫丹野之慘視朱厓之捐偶

湯斧之稽誅益

堯天之自外虔劉我邊境侵占我封圻銅鼓雷鳴金弧夜
掩民口恣其驅掠出沒任其跳踉公躬承

帝命統旅專征黃鉞一麾墨雲四裂百戰百勝之略九天
九地之兵寶劍橫磨盜壕迅剗秋風玉帳仍飛都護之書
夜月金笳重固靈關之守于是險高關指昆伊踐飛狐蹴
烏蓋陰山急雪飛騎先登古磧黃雲異軍突起悉復開邊
之故地進犁老上之龍庭竇將軍勒燕然石無此威聲霍
嫖姚封狼居胥遜茲遠略龍驤虎步揚我
皇靈東蕩西除連平大寇

天子嘉其功剖青珪進黃閣泐鍾銘鼎懋矣盛矣公外宣

壯猶內存宏濟用兵之隙敷政尤勤卽其大端蓋可略述
當戈馬紛騰之後正斯文凋落之時人鄙談經俗多佩劍
公以爲詩書者布化之基也人才者爲治之本也故其在
浙也青編校字首刊甲部之經其在陝也秋賦徵才特創
萬間之夏賢者之識在大王政之首惟儒而士氣于是乎
振戎燹所及鐻鎛勿時加葭戾之頻仍致凶荒之屢告甚
矣其憊民將何堪公卹鄰援南楚之饑何啻絳舟之泛發
粟周西秦之困不惟金帶之施賦饋粥于都亭無限乎千
戶萬戶捐祿入于餽歲奚域乎損四損三頌徧殘黎春迴
大地而民瘼于是乎起軍興彌紀政令不修百里之長再
命之吏或縱情于橋虔或委心乎忽怏公冰清率下鏡明

照人所至舉廉能察昏墨除其陋獎勸以規條南陽理狀
之上賢令予以遷階趙郡威惠所行狡吏因之改貫列州
仰其風鯁百職畏其霜稜莫不競厲新圖頓翻故習而吏
治于是乎飭至于今者天涯息戰絕幕開疆撫萬里以推
恩遴羣僚而分職莫不

宸謨上稟碩畫宏抒于是秋簡三軍棄障嚴黃花之戍其
定兵制也有然春濃五柳脫甲拜靈星之祠其講屯田也
有然沃野美因渠之漑鴻陂導流則有興水利之政焉重
金置通養之民龍精浴種則有教蠶桑之政焉鉅綱旣舉
德風載揚豈特雲開玉壘重暗漢官之威儀冢令
化洽甌廬共沐

熙朝之雨露斯尤中外敷一視之仁創置垂萬世之利者
矣以洪伐若彼以茂績若此加以公忠體

國翼弼傾心嘉謨屢告安人濟世之誠奏艸爭傳杜斷房
謀之望允宐光生上袞慶集繡裳霖雨造蒼生之福百祿
天酬旂常仰

奎翰之衰期頤

帝祝屠維紀歲良月應時豫開七秩之觴重拜

九重之賜轅門將吏饒吹騰歡幕府賓僚詠歌擣藻凡夫
振纓佩玉之倫以至被褐負耒之眾罔不額手稱祝翹首
傾忱某等浙水鯁生海邦下士迴瞻鄉國曾蒙再造之休
載盼旌幢倍慕仁人之宇恭逢令旦遙企崇階敬以方瞳

鐵齒浪進浮詞固知玉固金堅偏鍾駿德香縈畫戟願長
開益壽之花墨蘸金壺敬上獻恆春之頌其辭曰

絳霄鬱靈黃宰儲珍元氣鼓蕩篤生偉人補天浴日爲柱
石臣義奮爲秋仁育成春惟初東南妖火四照連城虎踞
積歲鷓鴣吳越之區腥氛誰埽公滌蕩之乃返熙暉西北
構亂民困勿紓惟公仗鉞載馳載驅青犢虬黨蒼鶻醜徒
妖霽亂領宵歸芟屠乃展虹旌乃拓麟甸區脫無胡衣冠
復漢公之天威百世稀見春度玉門令肅金劍金劍煌煌
玉門堂堂千里萬里無外龍荒煙鉏隰艸雲栽陌桑招彼
黔兆適茲樂鄉匝宇欽風絲區被澤綌福天降
寵命

帝錫凡百士庶莫不感悅詠吟禱祈如月如日日升兮月
恆世曼壽兮樂

昇平春融融兮無旣瞻望鈴閣兮願獻瑤觥維南有極西
長庚祝公眉壽三千齡

送門人余遠帆歸新安序

新安余生遠帆古香觀察之孫也侍廂庭之杖履隨宦轍
于浙中謝郎竟體疑有芳蘭陸機少年已擅賦筆虛衷好
問竺嗜篇籍僕時以校經居會城之戴氏聽園遠帆亦假
榻焉猥以老馬之識豕執元雁之幣晨露沐視夕蟾瞪幪
研朱勘經浮白讀史奇字待問愧非子雲之亭忘年可交
乃結何郎之契破索孜孜無閒喧肅明年己丑維夏之季
將以省試赴金陵豕歸新安舊居東被囊書倦焉告行渺
白雲其滿江瑟秋風之將至舉祖觴于花下索臨別之贈
言僕嘗謂士生世閒不越出處兩途魁墨榜排金門扇芬
承明揚聲紫微奉屬車之清塵奏卷阿之浩唱青雲致身

誠足自豪然有一境也家承詩禮地擅湖山有廬足以蔽
雨風有田足以給衣倉門鮮俗客架富良書于是乎攷鏡
輿蹟關覽古今成一家之言訂名山之業是亦士人之極
遇吾鄙所難能者矣故今日以科第期遠帆誠人情之恆
亦意內之事而僕之意則更有進者夫女媧搏人半皆黃
土儒冠多阨常泣青衫于千百人中歎賦以冰雪之質生
之清華之門遠帆之得天良厚加以居重蔭之下無流俗
之好雅志習靜抗心希古則益將閉宇文之戶燃思禮之
燭漱芳潤于菽園咀精英于藻區庶尚友夫古人乃合軌
乎作者然則區區一科一第又何足爲遠帆榮哉遠帆勉
旃士不患無名而患學不成得失勿絀襄吾益葆吾貞僕

固知遠帆之志之有在也故以一言贈其行

黃烈婦誄

烈婦曾恭人新淦黃文學之室也璘苑朗姿翠水仙魄縹緲世胄幼讀大家之書窈窕清閨長流淑女之懿年十九歸文學君寶釵既燦覲君子之光儀珍服勿夸有林下之風範拈蘭箴以佐讀洗蕢手以調羹尊章意愉娣姒美合既而文學君之兄黼堂太守服官于浙舉室從行雲天浩蕩阿鴻先見其高摩廡舍東西士龍不嫌于共止落花庭靜卽是春令之原玉軫聲調不奏雉飛之曲何期綵雲易散罡風橫吹天上樓成人間寢短茂陵一病馬卿無復起之時風燭一朝庾信有傷心之感蓋文學之歿爲咸豐丁巳正月二十八日其年僅二十也恭人傾河有淚呼天無

門身百灰其何辭腸九迴而靡已素帷風冷麻衣之泣何
人錦瑟兒嬌黃嬾之嗔方亟此則相從之志白日既炤其
精誠未亾之身餘生暫寄乎且莫者也踰年茹痛入地尋
盟卒以戊午四月二十七日自經于甬江官舍白璧可碎
黃金不渝藜室霜濃泉臺月滿烏乎哀哉夫女節之亮殉
軀爲上要其所致不無少區管者精感連枝之木迹畱摩
笄之山皮金翦字玉骨餘灰後之香粉筆題門銀鐙炤未
成之畫何嘗不著清芬于彤史邁喬節于青陵然而隨雄
單鵠效其命于倉皇投海冤禽迫在山之羅網未有桐樹
挺半枯之枝柏舟覆見奪之變從容盡職慷慨捐生如恭
人者可以謂之烈矣可以謂之難矣浙大吏旣上其事于

朝榮以綽楔今嗣君學良復分司鹽運于浙同社友會稽
陶君文冲近託密戚追溯清徽以爲浮生一時姱節千古
揚茲懿美實資藻詞乃次其事略屬爲誄言詒壽受簡莫
辭循文起敬素旒何處層城渺仙馭之雲芳軌長畱鏤管
補貞姜之傳其詞曰

淦水洋洋旣清且漣珠源鍾淑瑤葩濯鮮乃生女貞坤儀
穆穆紛其內美含芬佩馥嘉偶曰妃祥女來歸無雙叔度
家術之輝星窗警晨繡鐙坐夕勛我夫子勤此芸帙兄伯
出守盡室偕行梅鶴眷屬金玉友昆甬江迴青越山聳碧
雁行旣聯鷁翼不隔巫咸忽下鬼伯來親通眉無壽病骨
不春濛濛上圓胡酷至此哀哀未亾計惟一灰一灰固甘

忍灰非戀古水湛曾熱淚洗面撫孤歎潏忽忽踰年畢命
素練相見黃泉黃泉兮有知相見兮勿悲夫容城兮花離
離攀瓊英兮有所思所思兮何處咀冰蕤兮瑤池蘭何馨
兮玉何堅婉矜見謫兮來人間人閒不可以久住從夫君
兮雲袂蹁躑遺嫩烈兮千祀緜清風兮後昆永傳

蕩絲詞序

蕩絲詞二卷續溪汪君詩圃之所作也余未嘗識汪君門
人休甯余遠帆數數為余偁君賢且精倚聲則心焉識之
庚辰夏遠帆自其鄉來豕攜君此編見示且述君意屬點
定而加弁焉蕤蘭展卷奇葩豔眸若乃翠屏春悄玉鑪香
溫明漪鏡花媚闌角之衫景小扇兜絮墮簾尾之蝶痕其
婉麗也斷紅怨雨零香怯風透斜月于碧紗瑤瑟獨語阻
洞房之秋癡銀鐙無言其悽惋也加以薄煙乍銷山翠淺
于新竹秋病初可人瘦比于黃花其疏倩又如此蘼蕪干
里吹角夕陽之樓夫容隔江打槳西洲之渡其緜渺又如
此此其寄紆迴之思發婉轉之聲有芳潔之夙儲謝叫奴

之偶涉充其所詣蓋駸駸乎分蘭畹之香吹梅邊之笛矣
吾聞績溪大好山水石照之麓翠睂之亭二蘇之遺迹在
焉讀君之詞想君之所居又安得于溪光嵐景中攜松淥
之一瓢款深柳之十笏捉枝代塵襟帶坐花與之論協律
順度之微究意內言外之旨探風騷之靈源極聲情之眇
趣爰乃發浩歌騰清唱當必有操縵動眾山之響刺船移
海上之情者嗟乎奏瑤笙于天上君定詞仙悲落葉于風
前我原秋士鬢絲如此綺語將除愈唱愈高勉惟君子

許邁孫重刊靈芬館詞跋

邁孫先生靈抱浣月吟吻粲花握雲機之九張是工眾製
墨水調之百闕最擅倚聲漱玉液于露葩紉蘭馨于秋佩
冥契馱結靈芬是師古佛之事鑄同黃金私淑之俾鐫之
翠琬邁孫子國朝諸家詞中尤嗜頻 瑤杼所出瓊絲合
奏矣海桑婁變雲葉匙遺先生慨焉乃發襲芸之藏付雕
梨之手仍其三種合此一編爰以校字得快先覩夫緣情
造端導源樂府令慢代擅風騷未亾洎近世之名流亦清
辭之踵起然或銅絃鐵綽寄情于豪宕融朱冶粉刻意于
娥曼矜其一體終成單絃吳江扇微郢歌應節抗墜善變
婉轉工思緝冰緒于眾家激霜亮于空吹疑前身爲明月

是芬途之導師墜響不振來學安式先生是舉不甚盛與
抑又知先生架富瓊函性耽瓊祕凡
昭代諸家之詞或有流傳未廣珍鏤已灰莫不揆笛裏之
新聲訂梅邊之小譜玉牋親寫綠笈深緘自茲以往意且
以次付刊庶幾棲塵秋瑟竝調待絕之朱絃入手元珠彌
煥未沈之縞彩則是編之出爲嚆矢矣僕也早嗜言情粗
知按譜宗風未昧願同一瓣之心香文章有神請以斯言
爲息壤

生春詩錄序

生春詩錄一卷凡詩三十首己卯歲暮黼堂先生詠懷憶
舊之作其體則效元白何處春深好也先生以青蓮金粟
之身抱鄴侯鎌子之骨辭榮早歲樂志清時俗琴歌以爲
娛合蘿袞以一視笠屐入畫巖壑多情固已心寄崇霞之
表人羨地行之仙矣然而碧山學士雖銀魚之早焚玉局
詞豪耿瓊樓其終倦其忠愛纏緜之思篇什之中恆三致
意焉風雪歲闌擁鑪人靜載酒之客今雨不來探梅之驢
泥滑沮出獸酌不醉隨感成吟蓋其爲名臣之後抱宏濟
之才拜

命

殿前樹績江表持英簞而按部舉赤帷以行春南樓風月
庾元規開府之年官柳旌旂陶士行督師之日迴首春婆
之寢致忘

聖主之

恩洎乎秋風移病湘水歸帆雲中采藥卽是神仙海上看

山皆成圖畫

先生曾編歷天台雁宕普陀之勝繪三山歸權圖

付鳳毛于賢嗣結

鷗舍于明湖野亭問柳豈無聯騎之賓朋松風掩關大有

簪書之歲月閑身

許乞容老子以婆娑憶事興衰得風人之旨趣故其清響

憂玉環采鍾霞杜浣花之雄才事惟直寫劉文房之嚴律

比之長城視彼汎緝鸞花浪填月露蛺蝶成體麒麟号援

曾何足當吹劔之一映乎詒壽秋士愁多冬心冷抱辱承
授簡聊綴小文敬云引喙之簫竊附前驅之弩蓋一再諷
誦已不覺春氣拂拂從豪吻閒生矣

Blank space with vertical lines for writing.

續雅堂駢體文卷八

山陰王詒壽眉叔著

九招

敘曰靈均善怨歌楚些以招魂宋玉工愁賦悲秋于九辯
言之長也寄所託焉僕以下才拙于詭遇念美人之易募
嗟羈旅之無聊大江蒼波渺孤蹤其安寄靈秋白月耿申
旦以不暝不無愴况安默語言用效吳客之設餽仍段巫
陽之本旨成文十首命曰九招匪敢爭玉軌于騷林亦藉
寫瑤情于鏤管爾

潛虛子辰時選俗沈屯倉狼排荆迤棘動得咎殃乃飛神
乎寥邈之域棲景乎杳冥之鄉結山鬼以為伍蔽元霧以

自藏謝溷迹于埃壤寧隨化于大荒于是眞宰聞焉乃告
元修大夫曰若有人兮猷立離世吾欲招之俾如厥志子
其爲我善辭以道也元修大夫乃載曳星之旌策籥雲之
騎凌蒼茫窺幽邃造潛虛子之所居而請曰吾子擢丹瓊
之華抱皎璧之質龍章鳳姿閒世而出達則淑風宣于王
途塞則貞修尊于磐室將使良道寶行爲時楷則何爲寥
寥蕭蕭踽踽涼涼棄冠服捐文章周旋乎飛燐之野儻個
乎跳狴之場隔昭途而寂處付恆幹于若忘今者吾以眞
宰之命招子幸子明以告我潛虛子曰大地搏搏闢此世
路張機設網不可以步況吾之生也若緣蝨若綴旒鬱煩
居而襍處徒行歎而坐愁誠不若委吾身于亾何有之天

逐太虛而優游大夫曰不然此子不得志于時之說也今
承嘉命將沛厚澤厥有數端惟子所擇潛虛子曰唯唯願
安承教

大夫曰今將俾子以投時之筆奪錦之才步鼇峰而金蠶
題雁圖而墨輝袍柳碧染巾花絳裝曲江之翠幙高列天
街之寶馬飛來于是搢象笏振玉珂瞻龍袞拜鸞坡青簡
領著作之鉅朱絃奏頌聲之和朝趨則芝鼎香近夕歸而
蓮炬光多迴翔禁林出入臺閣旣厭承明爰拜牧岳紐金
龜而右顧節玉虎而高握奏鳴笳以清路列畫戟而衛幄
豕乃飭威儀踞穹隆鵠峙絳褶鱣鏗華鐘高轅始啟百職
趨風畫諾成鳳噓氣爲龍威令暢乎遐邇榮問扇于華戎

秩進八州之督恩加萬戶之封旋就徵乎丹詔夏入輔乎
紫宮黃扉元老黑頭三公領十年之宰相乃初服而雍容
此誠極人生之快意當亦吾子所樂從

潛虛子曰紫魚結佩紺絨據席尊則尊矣不如敝帶箕踞
之爲逸也虎毛簇騎鶴髦憑軒赫則赫矣不如鞞履徒步
之爲安也若乃星腸魁彥霓裳眾仙瓊瑰竝列乎鏃石鷄
雀襍糞于芝田尤志士之所浩歎古今之所同然若是者
非吾之所願往也

大夫曰有一境焉穹資雄據敦業坐操甲庫乙庫黃標紫
標絹彌南山之樹金編北邙之郊盤碧縵而莎積窟青蕚
而綺交較珠璣以衡石充琦珍于櫪櫟用能陂池擬海蹠

角量谷連邃窳以堆紅繚修隴而漫綠錦衣之僅干指雕
華之車百轂乃結翠龍而開宴評青鴝以呼賓門趨珠鞞
之客廡走碧鞵之羣騁錦綺而襍襲鬪奇貝以璘彬則有
拜車塵仰顏色媚行煙視情態百出勾貨紛紜陳請駱驛
爰高坐以指揮舉千金而一擲此亦足以吐一時之氣令
世俗望之而嘖嘖吾子其能勉爲之往乎

潛虛子曰東海豪客西蜀鼎門盛衰隨化倏嘒餒魂賜拜
銅山家傳金穴曾不轉瞬委骨荆棘且夫鼯鼠勺飲不須
江河一人之身所糜幾何徒累貞暘之惠或貽爭攘之戈
故宣聖有貴乎貧樂疏廣無取乎財多子以是招僕其以
僕爲附羶之蠅乎

大夫曰然則富貴皆非子所願矣抑子亦未知富貴之樂耳爰有芳壇鏡砥重櫺玉間朱靄窈突碧敞隆夏閭窈窕兮辛楣堂眇眇兮蘭序繚壁則銀螭塗椒連樓則銅鱗疊瓦其中有粉寮洞月元鋪鏤雲金釭垂帶藻網承塵頽璃帖牖翳翳緣門仙靈螭鳳圖畫繽紛雕櫳之鈿五色黼屏之綺九文葩毳綠而窠鶴流蘇絳而走麟亦有離榭柳藏別苑花啓珍叢蕤素琅柯綴紫翼高亭以虹鸞轟畫岑而鵠起唳蕤架之翠衣泳芳沼之朱尾豕乃步展瑟塵坐移桂席春風憑珮闌之晨秋蟾翫綃曲之夕道暑則涼堂黃簟之牀避凜則邃幄紅爐之室有境皆仙惟吾所適又何羨乎天堂半千之居香風楚客之宅此宮室之美也吾子

亦願處之乎

潛虛子曰高棟冠雲金漚耀旭以齊物論之一蓬戶而繩樞也連街窈窕包山增盤以幻景視之一賁如而宰如也結茆可以蔽風雨支藜可以適寢魂何朱門之足羨何藻飾之足云若是者吾不願往也

大夫曰不但此也復有紅妝趙女素面燕姬輔小桃潤鬢曼蘭欹秀螭宛頸修蛾曲眉纖穠異態娉淑千儀或蜨裊而銀泥或蟬衫而金縷帶颺颺其錦鴛翹飛飛兮翠羽乍娛光以眇視脈淺笑而無語旋含態以徐前羌旅進而有矩于是調瑤瑟絃繡箏唳紫篴叫玉笙縈迴采菱之曲激楚揚荷之聲竹枝之越調閒作子夜之吳歎亦呈裊文梁

之靡均過綵雲而不行既而蠻鼉節促迴鸞裏揚返晉宛
轉擡袂低昂怳利履之步恹乃輕軀之風翔既孤蹇而飄
忽又雙進而頡頏洛水驚鴻之景金谷倒龍之裝蹴飛英
而點席蹙廣氈而皺香俄焉日落華堂暮迥衫色花融釵
光月引甲煎騰煙蘭膏交景迷離愴不可殫盡主人顧
笑珠評翠品咸悅魄而美魂爰飛觴而擲錦此聲色之盛
或吾子之所樂乎

潛虛子笑曰折晉鬪齒爭織妍豔歌鳴鳴世所憐箏琶之
耳洗不得白雲何處湘娥絃且吾翫麗華于雲鳥聆琴筑
于澗泉高舞鐵如意長歌明月篇海波爲之噴涌林鶴爲
之盤旋又何必車子獻伎譽姐當筵紛耀節之襍襲始足

爲之流連乎

大夫曰又不但此也聲色旣盛服御尙矣冠子以綺縠纏
蟬之冠曳子以綠華飛翮之履繫子以黃金耀麟之鞶佩
子以青珊瑚盤龍之璐紛紛袞袞被服生光春則萋組霞襲
芊縠風揚夏則輕紗雪皎纈紉冰涼時而秋也金絲薄扈
纈纈雲而郁郁時而冬也元裘豐雍騰氈采而煌煌加以
珂雪塵裝羅緋囊繡搭膝鏐肥申臂麕瘞控寶轡以電飛
啾玉鸞其風鬪紛挾袂以擎箱爛翁赫而馳驟言入其室
玢玢琳琳茱萸百子之帳夫容七襄之衾鴛綾之被絳翠
鸞茸之褥展金瓊篝蒞幾絡荔維邃幰重幙香霧晝陰
縣玲綴玦微風振音此服物之都美亦生人之所欽吾子

其有意否也

潛虛子曰芟衣容裳三閭氏之初服麋裘緇布晏大夫之高風若乃麗衣珍飾猗靡蒙茸斯飛蜉之楚羽非大雅之雍容吾願不及此也

大夫曰又不但此也爰有鄴中翠蹏之駝洛下錦尾之鹿唐宮紅虯之脯漢苑青鮫之內猩屑凝脂熊白剖玉雀領秋黃鳧翁春綠梁谿文鯉頰鱗卅六醴泉朱鼈百碧珠簇于是召饗子飭中庖滌霞綺揮霜刀爇蘭蘇轅桂瓢乳香點醴花紅糝椒綺肌麋而芬沃膩雪膚飛而金槃高郁四溢之必蕪齊五味而和調而乃陳莘簋啟駢筵招賓朋羅珍鮮犀角橫筋龍頭飛泉蒲桃鄴隊檠椀銀船嘉醕鴻進

異品蟬連加以御宿白粲盧城香米蒸以爲饗皎若雲子兼纖餅之甘滑又瓊糜之軟美竝足以潤華池而益津鬱清馥以雷齒此所謂極天下之滋味雖麟廚鳳庖無足并比者也吾子貧瘁之士簞食醯餐口不知大官之味腹惟充黃齋之香其亦願往宮之乎

潛虛子曰行庖皤皤夥炙致清吾以爲肉會之鄙不若菜羹之馨也方丈術揀珠選玉吾以爲飽厭珍羞不如飢甘脫粟也況乎鯉濃沓進疾之所藏天物暴殘聖之所傷故老聃戒口味之爽顏子樂簞瓢之常吾子休矣吾豈以口腹之奉移吾心乎

大夫曰嘻吾誠不識子之何心矣雖然猶有一境請更爲

子言之若乃貴承都護住近居延以射獵爲勤播領部落
于控弦白艸朔野黃雲胡天美盧振毛而欲奮猛翻決風
而待騫于是驅追駮之輪選飛電之矢伐輓雷之鼓建裊
虹之幟或縹或緡亦步亦騎包崑布圍擊窟張翳高煙欲
歎矚駭天地爾乃麟豪豨削貪狼腦斑鹿肉黃羊雄羆魄
失修狴走僵猊顛飲羽虎蹶逸倂恐思辟易莫可潛藏亦
有掠莽朱鷗沖煙蒼鶴俊鸞霄戾焦鳳雲啄宛宜糾亂紛
錦飄泊弓無虛鳴應聲而落旣而肆若蘋布帷氈銀罌淋
皿金刀割鮮胜炙峯磊捫酒澠連蕃兒碧袖美女冰絃嘈
嘈棖棖蹻蹻躑躑絡驛勸飲如鱷吸川然後縛生藉肉振
旅言旋計禽行賞刀綺滿前華鐙宵宴饒吹喧填斯豪士

所快意極田獵之壯觀或者吾子之所樂從者其在是乎
潛虛子曰餓鴟箭辟列弓騎快馬如游龍渴飲黃麀血耳
後生長風此固曹景宗所謂樂而忘死者也然吾人之生
也託身緹素之業揖情道執之塗則猶麟鸞于芬苑羅瓊
奇于荃畚驅雉囿之凡羽網驪淵之明珠亦足以自雄其
意氣何必絕山谷而馳驅若是者吾又不願徃也

大夫曰人閒之盛單矣然則子將厭塵壤之溷溷而志巢
神山乎痛艸露之涓涓而心棲元關乎今且俾子以綠脈
之目金骨體名綴青札通素書蘭宮玉女助丹竈柏囊仙
童傾珉腴遺以九節綠玉杖高策萬里青蚪駒紫麇赤豹
雍左右仙樂前導笙簧等而乃凌雲咀翔神瀛涉元圃攀


赤城九華岑綺千蕤峩青瑤海麟鳳之室洞天瓊花之庭
惟吾意之所適駕沖飈而飛行則有金莖神娥玉蕊仙子
碧落侍郎青牛道士擷岷嶮芝田之香挈靈渠桃花之醴
剖雪谷之冰黎陳朱神之縹李鼓瑟山應投壺天喜羽爵
飛而形靄流玲簫和而清歌起歌曰攀桂旂兮白雲鄉酌
黃露兮餐天漿千秋萬歲兮樂未央歌聲未絕天葩墮前
縞鶴高唳元龍下旋斯時也感蟪蛄之易化忻金石之永
堅畫長獻而起舞振銖衷而上騫此神仙之樂固能經鳥
伸者之所慕也然而駐顏有藥換骨無丹闔風之居終不
可干子則仙秉天賦不必聚三花脫五濁已得飛玉宇而
凌高寒往哉其無所疑矣

潛虛子曰神仙之事惚兮恍兮段誠有之則必合神山之
儔侶講妙道之角垠謁官府于上界受法籙于紫宸吾亦
安能忍而爲此以期接手乎上真且吾以天地爲穹廬以
元氣爲儔伍逍搖乎海山之杳冥依何乎雲煙之渙聚亦
何以異御列子之風而仗衛叔之羽乎

大夫沈思久之乃恍然而笑曰噫吾知之矣今者天旣厭
亂人皆思治行將驅犬羊于寓內翦鱷鯢于澥次萬里合
軌四塞無事埜絕宵哭之聲邨野追呼之吏乃有碧山之
麓魚梁之西虛堂背郭短垣循谿地饒桂筍窗宿鳧鸞長
松十樹五樹幽鳥朝唳暮唳階緣落縵門捎竹低水檻則
游鯉可釣蒹葭亭則花景常棲買鄰接漁樵之里通徑隔輪

魏之蹊爰處其中樂天自守良書雍左素琴臥右古焦石
硯黃磁花斗校易研朱賦詩推手言培果林更釀秫酒熙
颺美旭招我良友高情說雲狂歌擊缶不知主賓何論穉
窆下溟之田秋風運租蠶織之資柔桑百株孺子能文嬌
女知書入不聞交謫之語出不爲章服所拘非捷徑之可
借非充隱而邀譽時或策杖聽水岸巾看雲糾園笠以觀
稼騎款段以尋春娛樂陶陶吾行吾真邁志羲皇之上長
爲太平之民此固人生之至樂非紛紛者所得而同云吾
以是招子子之意信乎其在是矣
潛虛子乃瞿然而起听然而笑曰有是哉是固吾所且夕
思之而不能得者也向者吾子所言金鉉銀青之貴重輪

豐奐之居豐容緜節之襍沓寶衣玉食之華腴以及逞羽
獵于朔野捐眞靈于雲衢如寢如幻縹緲空虛非吾願之
所及故敬謝而勿趨至若玄寓丕美園首康娛極眞境以
自適無危機之可虞則又安得不臨風揚袂望塵脂車再
拜嘉命請昇子俱



七歎

敘曰羊腸世路跬步敬危蜃海浮煙彈指樓閣感之所觸莫已于言拉襍書之名曰七歎

歲紀彊梧青陽始謝曼子端居不怡隱几而臥仰天而歎客或見而問曰子類有甚不釋于懷者胡為是悵悵而悒悒而可得聞乎曼子曰然吾慨夫浮俗之不可昇居也九嶷蒼蒼陰晴翕忽人寰嶮巖萬變何極吾以間見之所及舉其尤者可歎有七請為吾子述之若乃鳴珂上佐秉節重臣作天子之股肱寄朝廷之心膂吐氣而風雲隄合揮手而日月可迴于是雕龍之客結駟之英岌華冠而卑拜高蟬成羣璆玉佩以磬趨縣魚作隊進堂階一尺僂是青

雲得相公片言若獲丹袞朱門未啟槐柳之行森然銀鐙
既張雁鳧之列未棹一旦怨矢忽集怒電難迴雕駢一至
卽爲公國之人白獸誰開無復朝天之路向之承色笑可
齒牙者此足疑其有鬼翻手可以爲雲出國門而悵望寥
寥祖道之筵登柴車而載馳寂寂臨歧之贈其或田閒再
起皇路重驅狐偃兩腳還趨翟尉之門鐵厚十重夏下楊
郎之拜此古今所同慨實宦海之常情其可歎者一也出
羣傑士抱略英材十年提塞外之軍萬里寄刀頭之命霜
天劍折花凝鐵甲之冰野宿魂驚寢斷銀戈之枕浙矛作
倉則美比珍炊穿沙得泉則貴侔甘醴夜雨寒而金癩裂
鉤聲震而馬汗蒸李光弼之臨敵短刀輒納韓中秦武衛

之生平出而甯惟斗計始得奏龍躍之績拜虎節之榮所
謂全一生于萬死之中獲貂蟬于兜牟之內者也而科目
之士無寸勩尺勞策勳于估畢躡身于雲霄轉乃恃其儔
眾鄙爲武夫蹉跌小失糾彈紛起屬之一吏之力卽得持
其短長悲夫北軍太尉甯知獄吏之尊南征將軍終被明
珠之謗劫灌夫于坐上旤基魏其之田止李廣于亭中氣
盡灞陵之尉志士爲之扼擊豪傑爲之推心此其可歎二
也洛陽右戶淮右鴻商積寶珞以爲山量珠璣以論石其
慳且陋者勿論矣乃有傾財結客列鼎饗賓江湖奇服之
倫潦倒悲歌之士莫不待之以上客館之以華居齊孟嘗
之門下履盡銜珠孔北海之坐中尊常濺玉黃金脫手甯

緘寶井之珍紅粉贈人詎惜章臺之柳當斯時也盟青山
而志恩矢白水以圖報感激萬狀流涕縱橫及乎金穴潛
銷銅陵漸圯主人老去路鬼來窺秋風客棹卽同黃葉之
飛夜雨堂空誰拜總帷之景甚者欺其孤露肆彼陰奸隨
浮鷺而偶集原同舍北之鷗化妖鳥以啄人舊是堂前之
燕置厚地高天于不問甘牛襟馬裾而無慙人情至此世
道何論此其可歎三也中都俊彥東魯諸生抱好修之真
探文章之奧迎義和之始景晨窗點朱送望舒之末輝夕
館披卷用能源溯學海心鏡芬囿飛藻有麟鳳之采羅曾
皆星斗之芒章華視艸豈惟作賦之才柏梁聯吟何愧簪
豪之選然乃省門屢踏席帽難拋誦五千卷之祕籍僅爲

章句之師餐三百籟之黃齋曾無食肉之相青衫風冷蕉
萃可知白髮霜添生平已矣而彼赫翁豪右齷齪富人或
起家于猥胥或罔利于駟僮目不識一丁之字寢不到二
酉之山高雍金貨雄長閭里童騎如虎視衣冠若綴旒意
氣如雲輕單寒儕土榷至于歲時之會盛服高坐倨態雍
腫狂論偶發四坐爲之傾聽卮酒一行諸父不設膝席而
局趣寒生默然面壁僵蟬比噤其笑語者何人飢鸞不輝
覺揄揶之皆鬼嗟乎讀萬卷書不及屠沽兒管人所爲傷
也此其可歎四也切玉定分佩蘭同心十年則螢案促襟
一闌則雞鳴蹴舞應詹厲學弁韋郎爲弟昆張軌易衣視
樂安而莫逆當斯之時結綬彈冠之願乘車戴笠之盟幾

欲勒金石以表誠矢鬼神而證信無何春雷破壁巖穴有
起蟄之鱗神山引風蓬萊嘯垂翅之鳥升沈既判雲泥斯
分溯結契之誠念相知之雅故人無恙重聯風雨之牀騶
從登堂無爽生平之約卽雲龍之合無日勞燕之飛各天
猶當走一介之使濟其清寒寄千里之書勸之餐飢脫令
灰生異路幽顯殊途黃墟風景致忘竹林之年西華弟兄
時恤葛巾之困揆情準理固其宜也柰何青雲之身始致
白首之誓頓忘華門停上客之車窮巷斷貴人之轍或素
書將意則置之若罔聞或芒屨相從則接之以冷面笙歌
列侍何思席硯之歡繡毳被躬安憶布衣之好旣謝貢王
之微烈夏茂管鮑之清塵甚而嫉其茂學陰謀設毒螫之

機畏其故知先計阻飛鴻之路嗟乎交期安在過猶馬耳
之風人心難窺嶮甚虎鬚之峽誠無怪乎王仲回有撻子
之戒劉孝標廣絕交之論也此其可歎五也葦繫末親蘿
牽疏馭瓊瑤互荅筐篚相將羊酒之奉覆繡帕以登門縑
帛之遺薦雕槃而疊几佳節招邀之局選錯遴珍春風嫁
娶之天添珠助玉莫不競巧麗尙侈華本俗習之移人託
殷勤而結好然而芳楹絡繹祇屬鼎門瑤簋紛紜但陳華
屋至于蕭條古巷寂莫寒家雖復里閭宿好襟袂通親旣
往返之無人亦饋遺之絕迹甚至嬋媢語舊則緘唇而羞
稱貉緼相遭則障面而竟避或有飛書乞米破戶呼寒鷺
糧滿地偏慳稊粒之分龍縞襪投翻憎絮袍之贈悲夫豪

家一擲之費卽寒士終歲之需于彼則強近而損其高資
于此則割諛而珍其餘瀝斯薄俗所常見誠不解其何心
其可歎六也馬醫賤裔犢禪白徒鴻都諧價乞靈鷲眼之
中羽章飾身厠名羊胃之列豕乃出入簪林焜煌梓里高
輿結翠大馬如龍齧鑽刺之專長開招納之捷徑則有金
牛刺史餓豺令君悅其狐媚接以杯酒之歡仗其狡謀通
此營財之路因以爲虐鄉曲作橫里門蓄雕臂之少年結
虎冠之桀隸魚陂豪奪千頃不以爲多鱗膾巧侵百畦猶
嫌其少善類畏若蛇蝎萌愚尊爲帝天而一二搢紳耆德
閉戶養高首鼠無主翻防患乎蛾沙嗜鸞若叱任肆嗚乎
鵬子豕令魑魅走光天之下睽賜爭輝犬羊蒙文虎之皮

跳踉無忌其可歎七也是七者皆在管所同然非今時之
創局就所其嗜已足感懷若欲究塵海之風波窮人情之
雲雨則誠盡南山之竹莫罄其書量恆河之沙罔知其數
者矣于是客亦不覺愀然以思慨然而起相與附膺長歎
不能置云

僕以下才局迹緹素聞聲輸心比應辟校經居會城之載
氏聽園松格旣瞻瑤情斯暢獲附袞履之列珠玉可親亂
點金銀之車黃墨多暇乃定傾蓋之分高歌寶劍之篇談
深燭寒吟涼雨墜當是時也 邁孫先生將以 先生駢
體之文謀付劖劒於是玉牋親寫瑤葩濯鮮墨雨一揮縹
雲萬壘吸華吐粕瓌采鍾霞都爲一編排比成卷受而讀
之口香三日挹華嶺之玉漿咳唾九天破葩苑之瓊響遂
付雕梨之手用作饋貧之糧會以風雪歲闌爰理歸櫟每
用翹結蒼江渺然聽園梅開積思成疾旣而稽山日落渭
北春深每望王孫其未歸乃結山鬼以爲伍嗚呼庾信有
傷心之感內史興陳迹之悲天上樓成山陽寢惡巫咸忽

下幽顯示分亦可悲矣夫人生百年流電一瞥凡託命於
 枯管多緘耀於窮山通眉不凡名葩永播奇胃所發雕章
 益工然而脫葉亂飛遺藁散佚已感蟪蛄之易化安冀天
 地之長留難餘死後之香實亦意內之事安得有如 邁
 孫先生發襲芸之藏深援琴之泣傷故人之永逝訂敬禮
 之遺文者乎爰以校字聊綴小文嗟嗟靈鶴無言隻雞未
 質芸帙在手零璣僅存心也慕之誠儒林之宏詣作者往
 矣是芬途之導師仁和張大昌集原文句跋於戴氏聽園
 僕以卷八局迹卷五與陳聞聲卷七報李應辟卷七送余
 松格卷六復見瑤情卷三與秦獲附卷二荅南珠玉
 雲集卷六亂點卷五黃墨卷三與秦乃定卷六蘭君誄

高歌卷七報李談深卷七吟涼卷六蘭篔簹卷三
 聯吟卷七邁孫先生卷七靈芬先生駢體卷七書煙霞卷二謀付
 遺詩卷七玉牋卷七靈芬瑤葩卷七黃墨雨卷二詩安
 縹雲卷七樓集後吸華卷六蘭鏡訓卷七壞采卷七生春卷一都
 為卷三退宜排比卷三泉社受而卷一獸石口香卷一
 詩序卷三退挹華卷三泉社受而卷一獸石口香卷一
 宜堂卷三陶遂付卷七靈芬用作卷六風雪卷七生春
 子珍卷五報孫每用卷六報陶蒼江卷六泉聽園卷五
 爰理卷五報孫每用卷六報陶蒼江卷六泉聽園卷五
 均父積思卷七報李稽山卷四蘭訓巫咸卷七黃幽顯卷六
 望王卷三集社結山卷八庾信卷七黃內史卷六泉園
 天上卷七黃山陽卷六蘭君誄巫咸卷七黃幽顯卷六

訓導陳亦可卷四伏敵人生卷六復見心流電卷三泉
 君誄卷七報李多緘卷四闡幽通眉卷二畱名葩卷六
 集託命卷七伯書多緘卷四闡幽通眉卷二畱名葩卷六
 序花卷七奇胃卷七已感卷八冀天卷三沈香脫葉卷一秋
 小錄卷三仲泉已感卷八冀天卷三沈香脫葉卷一秋
 遺藁卷三仲泉已感卷八冀天卷三沈香脫葉卷一秋
 亦意卷七送發龔卷七靈芬援琴卷四闡幽傷故卷七
 遺詩卷七訂敬卷七復見心爰以卷七靈芬聊綴卷七生春
 靈鶴卷七桐屋隻雞卷三仲泉芸帙卷一沈竹虛零璣卷七
 卷七桐屋心也園詩卷二畱儒林卷六報陶作者卷三沈香
 遺詩卷七心也卷二畱儒林卷六報陶作者卷三沈香
 鈔是芬卷七靈芬館詞跋

眉叔笙月詞四卷粵景詞一卷同治壬申刻於聽園亦既有井水處能歌矣予為刻縵雅堂駢文在光緒辛巳秋書成眉叔已不及見嗚呼負吾友矣今年秋覲得未刻詞若干闕與譚君仲修一再斟訂仍付手民次為笙月詞第五卷其亦春蠶未盡之絲也已眉叔尚有詩集十二卷藏於家擬為續刻以傳於世吾身健在請志息壤已丑十月邁孫記

